

## **Universitätsbibliothek Paderborn**

### **Instructio Practica ...**

De Conversatione Apostolica A Curatoribus Animarum piè & fructosè  
instituenda - Complectens vatos & solidos modos juvandi & consolandi  
diversorum Statuum Personas afflictas, præcipuè ægras & captivas

**Lohner, Tobias**

**Dilingae, 1677**

Cap. V. Quibus motivis excitandus sit Zelus seu fervor ad Apostolicam  
conversationem necessarius.

[urn:nbn:de:hbz:466:1-48248](#)

siue quid̄ oderit Hominem amore dignissimum, siue quid̄ dilexit tantum verbo & lingua eum, à quo se diliḡ opere & veritate vel sero est expertus. §. Mansuetā errorum & defectum supp̄ortatione: sic enim ipse DEUS exemplo suo docuit, teste Davide Ps. 102. dicente: Quomodo miseretur Pater Filiorum, misertus est Dominus timentibus se: quoniam ipse cognovit flagitium nostrum. Et propterea DEVS, ut discurrit S. Chrysostomus serm. de nov. Concion. ad Grat. non Angelos & calolapsos, Magistros humanæ naturæ p̄fecit, ne propter excellentiam naturæ, atque humanae infirmitatis ignoracionem asperiores nobis reprehensiones adhiberent; sed homines mortales, magistros ac Sacerdotes concessit, homines infirmitate circumdatos, ut hoc ipso quid̄ obnoxius eisdem sit & is, qui sermonem habet, & illi, qui audiunt, Concionatoris (eadem est ratio de Operariis) lingua frenum iniciatur, quid̄ eum non sinat ultra modum castigationes extendere. Atque hoc verum esse, declarat S. Paulus, qui legem illam tulit, & hanc rem nos docuit his verbis utens: Omnis Pontifex ex Hominibus assumptus hominibus constituitur, qui condolere possit iis, qui ignorant, & errant. Hinc & ipse Christus inter alia monita S. Magdalena de Pazzis data etiam hoc posuit, uti vit. l. 1. c. 9. referatur: Sint omnia opera tua facta cum tanta mansuetudine, & cum actu adeò humili, ut videatur magnes quidam ad trahendas creaturas ad me. Sicque impleatur illud Siracidis cap. 3. Fili, in mansuetudine opera tua perfice, & super Hominum gloriam diligēris.

## C A P U T V.

### QVIRVS MOTIVIS EXCITANDVS SIT ZE- LVS SEV FERVOR AD APOSTOLI- CAM CONVERSATIONEM NECESSARIVS.

I. Quid piissimus Asceta Thomas Kempensis lib. 2. de Imit. Christi c. 12. de cruce pronunciavit dicens: Converte te supra, converte te infra, converte te extra converte te intra, & ubique crucem invenies; hoc æquali jure de Zelo & fervore ad Apostolicam conversationem requisito dici potest, ut ex iis, quæ mox dicentur, clarius patebit.

C 5

II. Nam

II. Nam in primis si se supra se convertat, inveniet 1. Exemplum DEI Patris, qui sic dilexit Mundum, teste S. Joanne c. 3. ut Filium suum Unigenitum daret; unde praeclarè S. Gregorius Nazianzenus orat. 1. sequentibus verbis hujus motivi efficaciam ostendit: *Huc Magistra lex tendit, huc inter Christum & legem interiecti Propheta, huc Spiritualis legis perfector & finis Christus, huc exinanita Deitas, huc assumpta caro, huc nova illa mixtio, Deus, inquam, & Homo.* Atque haec omnia, propter omnia, & pro uno illo generis nostri Principe in unum coierunt. 2. Exemplum Christi; qui non solum cum in forma DEI esset, semetipsum exinanivit formam servi accipiens in similitudinem Hominum factus, & habitu inventus ut Homo, humiliavit semetipsum factus obediens usque ad mortem Crucis, teste S. Paulo Philipp. 2. sed etiam S. Brigitte quondam dixit, ut in revelationum illius l. 7. c. 19. legitur: *Si adhuc possibile esset, quod ego toties morerer, quot sunt anima in inferno; ita, quod pro qualibet eorum talem mortem iterum sustinerem, qualem tunc pro omnibus sustinui, adhuc corpus meum paratum esset, subire hac omnia, cum libenti voluntate, & perfectissima charitate.* Unde meritò hanc charitatem admirans S. Bernardus S. 1. de adv. ait: *Mira quarentis DEI dignatio, magna dignitas Hominis sic quasi sit, in qua si gloriaris voluerit, non erit insipiens, non quod aliquid videatur esse tanquam à se ipso, sed quod tanti eum fecerit ipse, à quo creatus est; omnes enim divitiae, omnis gloria mundi, & quidquid in eo conspicitur, minus est hæc gloriæ, imo nec est aliquid in comparatione illius.* Sed & S. Paulus hoc exemplum sibi & aliis 2. Cor. 5. proponens ait: *Charitas Christi urget nos, ut scilicet quemadmodum ille pretiosum suum sanguinem & animam pro Hominibus offerre non dubitavit, ita & Operarius quisque viliorem longè animam & vitam suam pro iisdem tradere non detrectet.* 3. Exempla Sanctorū, ex quibus tamē non nisi pauca huic afferre placet. Et Moyses quidem tanto erga Populi sibi commissi salutem Zelo exarsit, ut confidenter ad Deum dixerit: Exod. 32. *Aut dimitte eis hanc noxam; aut si non facis, dele me de libro, quem scripsisti.* S. Paulus adeò diligebat Fratres suos, eorumque salutem fitiebat, ut optaret anathema fieri pro illis. Rom. 9. Hinc & alibi 2. Cor. 11. v. 29. dixit: *Quis scandalizatur, & ego non uror? quis infirmatur, & ego*

non infirmor? Et iterum: *Per triennium nocte & die non cessavi cum lacrymis monens unumquemque vesrum.* De S. Francisco Seraphico, Sanctus Bonaventura c. 8. vit. scribit: Cùm Franciscus animarum salutem viscerosa pietate appeteret, & fervida emulatione zelaret, suavissimis dicebat se repleri odoribus, & quasi pretioso unguento leniri, cùm Sanctorum Fratrum per orbem degentium odoriferâ famâ máltos audiret ad veritatis viam reduci, ex talium auditu exultabat in Spiritu, benedictionibus omni acceptione dignissimis Fratres illos accumulans, qui verbo & opere ad Christi amorem inducerent Peccatores. S. Franciscus Xaverius adeò ferventem habebat Zelum procurandæ alienæ salutis, ut ei innatus videretur, teste Tursellino l. 6. vit. c. 10. Huc ille toto impetu ferri, in hoc totus esse, hoc omnibus expetere votis, in hoc maximè acquiescere, ut Christo aggregaret quām plurimos. Nec minor quārēndi novos Greges, quām partos tuendi cura erat. Quippe ita eos præceptis atque institutis instruere erat solitus, ut externi Pastoris operâ non magnopere indigerent, nec rerum ad Christianos Spectantium scientiâ ipfis cederent Europæis. Ubique confessionibus audiendis, reconciliandis dissidentibus, ægris sublevandis, caterrisque pietatis officiis dabat operam, adeò cibi & potionis oblitus, ut saepe biduum, triduumve traduceret jejonus. Hinc non contentus apud Indos & Japones suam charitatem extendisse, ipsa etiam Sinarum claustra severissimis licet legibus & custodiis firmata penetrare cum aperto capitâ pericolo tentabat. Sed & Orlandinus l. 11. hist. Soc. n. 119. de eo scribit, quod in regno Bungi, Regis curâ non intermissâ, multas quotidie horas in erudienda multitudine collocarit, & suas quoque Lusitanis impertiverit, unam ante lucem ad eorum animos expiandos, alteram sub noctem ad eosdem cohorundos & incendendos, atque ita totum diem per summam corporis negligentiam distentus fuerit. Querentibus Domesticis & Amicis, quod nimis sero se recto riperet, respondebat, nihil esse, quod sui rationem ducerent, cùm instaret hora convivii, aut se de die numerarent in vivis: si secus agerent, apud se graviter offensuros, suum cibum esse animarum salutem, & in summis habere se deliciis, si vel unius Japonis animam lucrifacceret. Sanctus

44 *De Conversatione Apostolica in commun.*

Etus Ignatius Lojola, Ribadeneira l. 5. vita testante, tanto pariter Zelo erat accensus, ut inter ipsam etiam negotiorum molem perditas meretriculas tanto studio conaretur ab impuritate abducere, ut, si quæ ex iis resipiscere velleret, grandi jam natu vir, & Præpositus Generalis antecedere ipsem, & perductoris quodammodo munere fungi, Christi causâ non erubesceret. In quo cùm admoneretur à quibusdam, frustu tempus ac laborem insumi, quippe insanabiles esse ejusmodi feminas, ac, licet in præsentia pœnitentiam ostenderent, brevi tamen ad ingenium reddituras, ego vero, inquit ille, cuiuslibet istarum unius tantum noctis impeditisse flagitia & injurias in DEUM, omnis operæ & vigilantiæ pretium duxerim. Et ne soli duntaxat virili sexui hic Zelus proprius videatur, memorabilis prorsus fuit S. Mariae Magdalena de Pazzis Zelus, de qua in lib. 4. vit. c. 24. legitur, quod orans quondam in raptu pro conversione cujusdam Peccatoris clamavit: O si aliquando Dæmones non haberent occasionem molestandi me visione peccatorum humanorum! O verbum, quælibet libenter paterer quodvis genus Martyrij, dummodo eum viderem conversum, sed non esset mihi Martyrium, verum Paradisus. Et alias, ut c. 28. refertur, dicebat: Adeo desidero animas conducere ad te, ut mihi sit pœna hoc desiderium, ut mihi sit quasi quidam infernus. Hinc & peculiari devotione prosequebatur eos Ordines, qui ex peculiari instituto vacabant conversioni animarum, dicebâtque, se invidere aviculis, quæ volare possent, quod vellent, eò quod & ipsa sine præjudicio suæ Professionis cuperet, si possibile foret, totum Mundum peragrare propter animas convertendas. Unde etiam somnians de Zelo animarum somniabat, & loquebatur de conversione Infidelium, atque ut ex sua parte cooperaretur, assiduo offerebat pro iis sanguinem JESU, & applicabat hâc intentione opera Religionis, preces, communiones, & multas afflictivas pœnitentias, quibus carnem suam atterebat, & hoc ipsum etiam Monialibus suæ curæ commilfis commendabat. Imò in eundem finem à Deo petebat infirmitates, aliasque tribulationes, obtulitque se ad tolerandas pro Peccatoribus ipsas etiam inferni pœnas, si DEO ita placet. Aliquando vero in ectasi dicebat: Domine, si non facis mihi gratiam istam, dando scilicet animas, quas à te peto, dic

cam etiam ego, nolle me venire ad possidendum gloriam, quam mihi præparasti. Alia vice dixit: Si DEVS à me petret, ut olim petiit à S. Thoma Aquinate, quam mercedem vellem pro meis laboribus; non aliam peterem, quam salutem animarum. Sed & S. Teresa simili Zelo accensa, teste Marchantio in virga Aaron lect. 1. dicebat: Quantum mihi damnum, aut cur conqueri debo, licet usque ad diem judicij pœnas Purgatorij sustinere oporteat, modò per illud conse-  
quar, quod anima una salvetur; quantò ergo magis, si de plu-  
riū animarum lucro agatur, id vereri non deberem? cùm  
verò legendo vitas Sanctorum incidisset in aliquos, qui  
multas animas ad DEVUM reduxerant, magna consolatione  
afficiebatur, dicebátque, se magis hoc eis invidere, quam  
multa Martyria, quæ patiebantur; ideóque vel maximè aesti-  
mabat illos Ordines, qui conversioni & lucro animarum stu-  
debat. Et, si aliquis talium ægrotaret, pro eo assidue oratio-  
nem fundebat, ut citò convalesceret, & ad lucrum animarum  
rediret. Quod si verò talium quempiam omnino mortuum  
audiebat, et si non esset ad planctus Feminarum proprios pro-  
clivis, magno tamen cum dolore lacrymas copiosas profun-  
debat, ob jacturam unius in terra, qui tot animas cælo lucra-  
batur, cùm tamen audita morte Fratris ne unam quidem la-  
crymulam profudisset, ut Author vitae l. 3. c. 35. testatur.

III. Jam verò si *infra se*, ad ipsum scilicet infernum, se-  
metipsum convertat, non levia iterum motiva inveniet ad  
eundem Zelum accendendum, sed duo præcipue. Primo,  
Diaboli studium ac fervorem in animabus perdendis, quod  
quidem ipsem olim fassus est in judicio, audiente S. Birgit-  
ta (ut P. Petrus Pennequin. p. 2. Isagog. ad amorem divinum  
c. 27. testatur) dum dixit, se majori impetu ferri in perniciem  
Animarū, quam torrens violentus per campos rapi consuevit.  
Causam verò rogatus à Christo respondit: Quia tu illas tanto-  
pere amas. Hinc merito S. Carolus Borromæus hoc motivū O-  
perarijs ob oculos sequētibus verbis posuit, ut p. 5. Act. Medit.  
l. 3. c. 2. fol. 838. videre est: Considerent præterea terribilem  
animarum stragem, quam generis humani sempiternus hostis  
Sathanas facit, quantum in illis perdendis sollicitudinem adhi-  
bet, quibus utatur Ministris, quā alacritate, quibus laboribus  
O. vigiliis sclesti Ministri opus urgeant indefessi & assidui, ydēm-

qnc

## 46 De Conversatione Apostolica in commun.

que perpetui & obfirmati. Quare turpissimam rem facinus existimare debent IESV Christi Ministri, si ita Magistri sui voluntatem, dignitatēmque suā atque sempiterna præmia perdant, vel à Christiana charitate tam alienos se præbeant, ut à Sathanæ Ministris superari se finant, patienturque, ut illi maiori studio ad se, aliosque perdendos, quam ipsi ad suā & aliorum salutem tuandam incumbant. Secundò. Excitan meritò quoque deberet ad Zelum gravitas infernali posnarum, quæ præparatur ipsis Peccatoribus; quod motivum S. Augustinus lib. de salut. mon. c. 55. sequentibus verbis suggessit: *O mi Frater, numquid ferrea sunt carnes nostra, ut non contremiscant, vel etiam sensus noster Adamantinus, ut non mollescat, aut etiam minimè evigilet ad illa DEI verba: Ite maledicti in ignem aeternum?* Quare non dicimus cum Ieremia Propheta c. 9. *Quis dabit capiti meo aquam, & oculis meis fontem lachrymarum, & plorabo die ac nocte interficere Filia Populi mei?* Certè huc etiam suo modo applicari potest id, quod idem S. Doctor ad Fratres in Eremo dixit: *Cadu A-sinus, & omnes cum sublevare festinant. Clamat porcus, & omnes ceteri porci cum ipso clamant. Clamat inter tormenta (aut periculum certè illorum incurrendorum) Fidelis (aut Peccator) & non est, qui exaudiat. Ecce vestra inhumanitas.*

IV. Quòd si verò se extra se convertat Operarius, tria item non minus efficacia motiva reperiet ad Zelum accedendum. 1. Dignitatem animarum, pro quibus laborat, quam quidem brèviter & verè indicavit S. Gregorius Nyssenus hom. 4. in Eccles. dicens: *Qui humanam novit naturam, nec totum quidem mundum dixit satis iustum pretium, quod deinceps pro anima hominis.* Cujus rationem ulteriore assignans S. Bernardus c. 3. Medit. *Totus quidem iste mundus, ait, ad unius anima pretium estimari non potest; non enim protoco mundo animam suam DEVS dare voluit, quam pro anima humana dedit.* Sublimius est ergo anima pretium, quæ non nisi sanguine Christi emi potuit. Hinc meritò S. Dionysius c. 3. de coel. Hier. dixit; *omnium divinorum divinissimum est cooperari Deo in salute animarum.* Et S. Gregorius ho. 1. 1. hom. 12. in Ezechiel id ipsum confirmans, *nullum ait, omnipotenti DEO tate est sacrificium, quale est Zelus animarum.* Unde rectè concludens S. Chrysostomus ho. 3. in 1. Corinth. *Etsi, ait, im-*  
*menſum*

mensas perunias pauperibus eroges, plū tamen efficeris, si unum converteris animam. Ut adeò meritò S. Catharina Senensis, quemadmodum in vita illius Surius & alii testantur, si quem Dominicanæ Familia Alumnum per plateam vidisset incedere, domo egrediens, vestigiis ejus pia oscula ferre solita fit, eò quod divinitus sibi pulchritudo animæ ostensa fuerit, quæ sit in gratia, atque adeò ter felices ducat eos, qui ad hoc operam suam conferrent. Unde iterum hoc motivo excitans Operarios S. Carolus Borromaeus l. 3. c. 2. act. med. f. 837. Animo, inquit, assidue cogitent, quām nobiles sint animæ, & pretiose in conspectu Domini, quanta sit earum dignitas, quas proprio sanguine redimere Filius DEI non dubitavit: quāmque præcellens opus sit, in eo salutari officio DEI esse Cooperatores, quo nihil certè in terris illustrissimi, nobilius ne excogitari potest.

2. Reperiet extra se Operariorum paucitatem, ex quo motivo sic ad Zelum incitat idem Sanctissimus Antistes: Sed & illud considerent, quanta, quāmqua ampla sit messis, quanta Spiritualium bonorum egestas, quanta salutariter agentium penuria, quām pauci verò Ministri, qui Sancto desiderio incensi, suis commodis, utilitatibusque neglectis solam Christi gloriam, animarūque salutem spectent.

3. Inveniet Pastorum oves materiales custodientium ab eodem S. Archiepiscopo & Cardinale sequentibus verbis propositum: Perpendamus ovium Pastores, illos, qui in Cappadocum regione sunt, qualia & quanta pro pecorum suorum studiis patiantur. Illi sæpe numero universum triduum nive obruti perdurant. Dicuntur autem & qui in Lydia sunt, non minora mala ferre, dum integros menses difficilem illam solitudinem, pessimarūque bestiarum plenam vagando circumneunt. Si tanum erga pecora diligentia impendunt Pastores illi, quam, quæso, excusationem habebimus, quibus rationales animæ concredite sunt, quod profundum hunc somnam dormimus? Quis, quæso, ab eo nos suppicio etipit, quod istis debetur? si enim corpus trucidandum exponere, si immenses mortes ferre oportebat, numquid ad hoc munus tanquam adnundinas currendum erat?

V. Si denique se intra se convertat, & ibi sane efficacissima reperiet motiva ad Zelum animarum in se excitandam, ingentia scilicet illa lucra propria, quæ ex eodem Zelo reportabit, quorum primum est copiosa pro peccatis propriis satisfa-

ctio

48 De Conversatione Apostolica in communi.

*E*sto, de qua jam pridem S. Jacobus c. 5. dixit: *Qui convertit peccatorem ab errore via sue, salvabit animam eius in morte, & operiet multitudinem peccatorum.* Quod confirmanus S. Chrysostomus ho. 5. adversus Judæos, saepe ait, *una anima, quam lucrat fierimus, potest innumerabilem peccatorum pondus abolere, animaque nostra pretium in extremo die iudicii fieri.* Hinc ho. 3. super Gen. ait: *Hoc nostra salutis argumentum erit, & occasio, si non solum pro nobis ipsis sollicitum, sed & proximo utilis fierimus, ipsum ad viam veritatis manuducentes.* Alterum lucrum est meritorum cœlestium ingenientum & coacervatio; si enim magna mercedis est, inquit S. Gregorius l. 19. mor. c. 16. à morte eripere carnem quam doque morituram, quanti est meriti à morte anima liberari in cœlesti Patria sine fine uitram? Quod ipsum confirmans S. Chrysostomus. ho. 3. in gen. ait: *ut anima corpore melior efficiatur his, qui indigentibus pecunias & facultates suppeditant, majoribus præmiis digni sunt hi, qui admonendo & continuo descendendo in viam rectam supinos & desides inducunt, monstrando eis divinarum virtutum fragrantiam, & uitiorum malevolentiam.* Si ergo, ut ex eodem sancto supra ostensum est, plus facit; qui animam unicam convertit, quam si immensas eroget Pauperibus pecunias, ex tali erogatione autem haud dubitate ingentium meritorum cumulus obveniret, facile appareat, quam amplam mercedem sperare possit is, qui cum sincero Zelo, animarum lucro sese totum impendit. Gertè idem S. Pater ho. 29. in Epistolam ad Rom. asserere non dubitavit, bonum Pastorem, qualem Christus vult, cum innumerabilibus Martyribus componi posse, siquidem Martyr semel tantum propter Christum moritur, hic vero millies propter gloriam, ut adeò merito Christus Matt. 5. dixerit: *Qui fecerit & docuerit, hic magnus vocabitur in regno cœlorum.*

VI. Atque hæc scilicet sunt motiva, quæ, ut verbis S. Caroli Borromæi iterum utar, si cogitent Animarum Curatores, jure ac merito sperari debet, talibus cogitationibus quasi facibus quibusdam animum illorum accensum iri, ut nullus vel maximus labor esse possit, quem illi subire recusent, ne pretiosissimi Christi Sanguinis fructus in ipsis, aliisque ipsum neglentiâ pereat.

CAPUT